

ՀԱՐՑԱԶԻՐՈՒՅՑ ԵՐԻՏԱՍԱՐԴ ԱՏԵՂՃԱԳՈՐԾՈՂԻ ՀԵՏ

«ՀԱՅԿԱԿԱՆ ԴՊՐՈՅՆ ԻՆՉ ԱՈՎՈՐԵՅՆՈՒՄ ԷՐ ՊԱՇՏՊԱՆԵԼ ՏԵՂՍ...»

Թբիլիսիի թիվ 104 հայկական հանրային դպրոցում ուսումնական տարեսկզբից պարզորոշ դարձավ ուրախալի մի փաստ. դպրոցում բացվում էր երկու առաջին դասարան: Այսօր դպրոցն ունի 32 առաջին դասարան: Ասել է թե, շատերս վերջապես գիտակցում ենք, որ սովորող երեխան կամ հետետողական ծնողը նույն արդյունքն են տալիս թե՛ հայկական, թե՛ ռուսական եւ թե՛ վրացական դպրոցում:

Թիվ 104 դպրոցն իր կենսագրականում միշտ հպարտության արժանի շրջանավարտներ է ունեցել: Ներկայացնում ենք սնաններից մեկին՝ Թբիլիսիի Սեւծովյան միջազգային համալսարանի, Լոնդոնի համալսարանական քոլեջի, Բուդապեշտի Կորվինիուսի համալսարանի տնտեսագիտության ու բիզնեսի մագիստրատուրայի շրջանավարտ ԱՆՐԻ ԳՐԻԳՈՐՅԱՆԻՆ (2003-2004 ուստարվա շրջանավարտ): Այդով ցանկանում ենք ոչ միայն կիսել Անրիի հաջողությունների բերկրանքը, այլև մեկ անգամ եւս քանդել այն թյուր կարծրատիպը, թե հայկական դպրոցը, իբր, հետ է մյուսներից:

- Անրի, պատմիր քո մասին, ովքե՞ր են ծնողներդ...

- Մայրս Հավլաբարի թիվ 93 հայկական դպրոցն է ավարտել: Հայրս հայ է, բայց հայերեն չգիտի, տատս վրացուհի է: Մեր ընտանիքը եռալեզու է եղել, բայց մորս շնորհիվ միշտ զգացել եմ, որ հայերենը դոմինանտ լեզու է: Մինչեւ ութերորդ դասարան սովորել եմ թիվ 109, իսկ ութերորդից՝ թիվ 104 դպրոցում:

Հայրս հայերեն բոլորովին չգիտեր, ուզում էր, որ գոնե ես հայերեն իմանայի, եւ «դիմադրեց» իր վրացական կողմին, որը, բնականաբար, ինձ ուզում էր տեսնել վրացական դպրոցում...

- Ովքե՞ր էին ուսուցիչներդ, ո՞րն էր հաջողությանդ գրավականը:

- Ուսուցիչներիցս շատերին կուզեի թվարկել... Վերջերս պատահաբար հիշեցի, որ ռուսերենի ուսուցչուհիս՝ Ռոզա Միխայլովնան, մեզ պատմել էր ռուս գրող Գոնչարովի Օբլոմովի մասին: Չալարեցի ու կարդացի, որ հասկանայի, թե ինչն էր ուսուցչուհիս այն ժամանակ պատմում այդ գրքի մասին: Լավ ուսուցիչը այնպես է մատուցելու նյութը, որ երեսուն ու հիստուն տարեկանում էլ պատահաբար հիշես ու սկսես փորձել ավելի իմանալու նպատակով, որովհետեւ դաս ասածը իրականում դպրոցում չի ավարտվում, նույն դասը հետո էլ է շարունակվում: Իսկ հաջողության գրավականը ի սկզբանե հետաքրքրասեր լինելն է. սկսում ես ամեն ինչ կլանել, հետեւաբար՝ աճել:

- Վրաստանում ապրողներին առավելությունն է տիրապետել մի քանի լեզուների, դու քանի՞ լեզու գիտես...

- Չորս: Ու դրանցից յուրաքանչյուրը՝ հաջողության մի-մի բանալի: Լոնդոնի համալսարանում սկսեցի սովորել հունգարերեն: Կարծում եմ՝ ցանկացած նոր լեզու նոր մտածողություն է բերում ու նոր գրականություն: Սեւծովյան համալսարանում երկու տարի թուրքերենն է ուսումնասիրել ու շատ եմ ավստում, որ այլևս չեմ հիշում: Հիմա էլ փորձում եմ հունգարերենս փրկել:

- Շատերի ծնողները երեխաներին հայկական դպրոց չեն տանում՝ պատճառաբանելով, որ հետո, «կարող է պատահի՞ ընտանիքով Ռուսաստան տեղափոխվեն»... դու այդ ինչպե՞ս Լոնդոն, հետո էլ՝ Բուդապեշտ հասար:

- Մի պահ եկավ, երբ ծանծրացա ինքս ինձնից ու որոշեցի աշխարհը տեսնել: Վստահ էի, որ դրսում արկածներ են ինձ սպասում, ու արդյունքում լիքը բան կհաղթահարեմ մեջս, կփոխվեմ: Չէի սխալվել: Թբիլիսիի Սեւծովյան մասնավոր համալսարանի շրջանավարտս, 2012-ին ընդունվեցի Լոնդոնի համալսարանական քոլեջի տնտեսագիտության ու բիզնեսի մագիստրատուրա: Նույն ծրագրով ուսումնառումս կատարեցի Բուդապեշտի Կորվինիուսի համալսարանում:

տահ էի, որ դրսում արկածներ են ինձ սպասում, ու արդյունքում լիքը բան կհաղթահարեմ մեջս, կփոխվեմ: Չէի սխալվել: Թբիլիսիի Սեւծովյան մասնավոր համալսարանի շրջանավարտս, 2012-ին ընդունվեցի Լոնդոնի համալսարանական քոլեջի տնտեսագիտության ու բիզնեսի մագիստրատուրա: Նույն ծրագրով ուսումնառումս կատարեցի Բուդապեշտի Կորվինիուսի համալսարանում:

- Ատեղծագործում ես՝ տնտեսագիտությանը հասուկ չոր բվերին ու սթափ մտածողությանը հակադրվելով...

- Աշխատավարձումս գրականությունը վախենալու չափ հեռու ու օտար է թվում ինձ: Նայում եմ ընկերությունում վազվզող կամ համակարգիչների մեջ խորասուզված աշխատակիցների ու մտածում՝ տեսնես գրականությունն է մեռած նրանց, թե՞ նրանք՝ գրականության համար: Երեւի բարդացնում եմ կամ այնքան եմ սիրում գիրքը, որ ինձ թվում է՝ բոլորի համար դա պիտի ամենակարեւորը լինի: Մեկ-մեկ ընկճվում եմ, մտածում, որ այլևս երբեք չեմ կարողանա գրել: Բայց հենց վերադառնում եմ գրականության, սկսում եմ մինչ այդ ինձնից թաքցված անկյուններից նայել երեւոյթներին: Այսինքն, ամեն վերադարձին մի նոր բան եմ հետս բերում: Ուրեմն, տարբեր իրականությունների մեջ լինելն էլ իր առավելություններն ունի:

- Ի՞նչ է առհասարակ գիրքը քեզ համար:

- Գիրքն ինձ համար մարդուց մարդ ցատկելու, ամեն տեղ լինելու, մերկանալու ու մերկացնելու միջոց է:

- Կպատմե՞ս գրականության մեջ առաջին քայլերիդ մասին:

- Վեցերորդ դասարանից Վրաստանի հայ գրողների «Վերնատուն» միության «Գրական ծիլեր» ակումբի անդամ էի: Հետո դարձա «Վերնատուն» միության ան-

դամ: Միշտ կարելու էր ժողովարար Սնիսյանի կարծիքը:

Պատմվածքներու առաջին ժողովարարն էր «Վայրկյանները», լույս տեսավ 2010-ին, Թբիլիսիում, Անահիտ Բոստանջյանի նախաձեռնությամբ ու խմբագրությամբ: Այն ինձ համար ավելի շատ կարեւոր է տիկին Անահիտի հետ աշխատելու փաստի համար: Առհասարակ, տիկին Անահիտն ինձ թույլ էր տալիս շատ սխալվել, իհարկե, հարցը ուղղագրական սխալների մասին չէ (ինչը ոչ ոքի չէր ներում): Սկզբում նա շատ էր ինձ ուղղում, նշում իմ թույլ կողմերը, խորհուրդներ ու ուղղություն տալիս, ասում, որ շատ կարգում ու կարգամտեմ ինչ: Հետո սկսեց ավելի շատ երես տալ ինձ: Հիմա եմ հասկանում. ուզում էր, որ ինքս զգայի ազատության չափերը, հարմարվեի ազատությանը կամ ազատությունը հարմարեցնեի ինձ, ինքնուրույն տեղավորվեի թույլատրելիների ու անթույլատրելիների մեջ:

Տիկին Անահիտից հետո ես ինձ մեծակ զգացի գրականության մեջ: Առջեւ եմ գիտակցորեն հասկանում էի, որ կա տիկին Անահիտը, ով ճիշտ պահին ինձ կուղղի, կվերադարձնի, վերջապես՝ կպաշտպանի: Ինքը հիմա էլ կա, որովհետեւ հիմա հիշում եմ նրա խրատները: Ու ինձ մեկ-մեկ թվում է՝ նրա ասածներից մի կարեւոր բան բաց եմ թողել, մոռացել, անընդհատ փորձում եմ հիշել: Կամ գուցե չհասցրեց ասել ինձ, ու մի օր հասկանամ, թե ինչ կուզեց ասել ինձ:

Պատմվածքներու երկրորդ ժողովարարն այս տարի լույս է տեսնելու Երեւանում «Դմբո Ձոյս» վերնագրով:

- Վրաստանի գրողների միության հայկական մասնաճյուղի նախագահի՝ Անահիտ Բոստանջյանի երաշխավորությամբ ընդունված Վրաստանի գրողների միության միակ անդամն ես...

- Ինձ միշտ վախեցնում էր, որ տիկին Անահիտը հույսեր էր կապում ինձ հետ: Մեծ պատասխանատվություն է, որ չգիտես՝ ինչպե՞ս կրես: Երեւի, դու էլ նույնն ես զգում: Հիմա մոլորված եմ, որովհետեւ տիկին Անահիտի հետ կապված ցավը դեռ թարմ է, նրա լույսը, նրա էներգիան, նրա արագությունը պակասում է բոլորիս, ու չեմ կարող որեւէ բան ասել: Բայց, իհարկե, առաջին հերթին պիտի շարունակեմ «Կամուրջ»:

- Ինքը՝ առավել քան համեստ ու չխուկան, գիրդ՝ համարձակ, բաց, անմիջական ու աշխույժ, այդ ինչպե՞ս...

- Շատերն են ինձ չխուկան ու համեստ

համարում: Երեւի ինքս եմ սկզբից ինձ այդպես մատուցել: Կամ էլ հայ ու վրաց մշակույթների մեջ խցկված՝ նախընտրեցի լռել: Հետո սկսեցի ընդլայնել դրա դեմ, ապացուցել, որ իրականում այդպիսին չեմ (բայց ո՞վ բանի տեղ դրեց իմ ընդլայնմանը): Ու երեւի դրա համար էլ ինքնին այնպես ստացվեց, որ, որպես գրող, անհամեստ դուրս եկա: Բայց կարծում եմ՝ գրողը պիտի կարողանա իր տեքստի մեջ լինել ցանկացած մեկը, խոսի ցանկացած լեզվով:

- Այս պահին մասնագիտական հմտություններդ կիրառելու լայն հնարավորություններ ունես, դժվար չէ՞ր օտար երկրում աշխատանքի տեղավորվել:

- Մրցակցությունն արտասահմանի աշխատաշուկայում շատ բարձր է: Դրան ավելանում է նաեւ, որ դու աշխատելու իրավունք չունես Եվրոպայում, ու գործատուն կարող է իսկույն մերժել քեզ, որովհետեւ չի ուզում քեզ համար աշխատանքի իրավունք ձեռք բերելու գործընթացի միջով անցնել: Կարծում եմ, ձեռքբերումներիս մեկն է, որ այսօր Բուդապեշտում «ՇՆԵյդեր Էլեկտրիկ» ընկերության տնտեսական ռիսկերի վերլուծաբանն եմ: Բազմամշակութային միջավայր է: Մեր ընկերությունում քսան լեզվով են խոսում: Ի դեպ, բազմամշակութային միջավայրը մի առավելություն ունի՝ յուրաքանչյուր ազգի ներկայացուցիչ ձգտում է իր լավագույն հատկանիշները ցույց տալ, իր ազգին բնորոշ բացասական կողմերը թաքցնել:


- Ամուսնացել ես ու լավ ես արել, մշտանորոգ սեր ձեզ, ո՞վ է ընտրալիդ...

- Գիտե՞ս, միշտ ուզեցել եմ օտարերկրացի կին ունենալ կամ գոնե ընկերուհի, երազել եմ, ձգտել դրան, ասենք՝ իսպանուհի, անգլուհի, հունգարուհի: Բայց միշտ հայուհիների եմ սիրահարվել: Հասկացա, որ միայն հայերեն կարող եմ սիրել ու հաշտվեցի այդ իմ «հայկական անեծքի» հետ: Կինս Հայաստանից է: Բուդապեշտում ասափրան է, մասնագիտությամբ՝ միջնադարագետ:

- Ապագայի քո մտորումները, նաեւ ուղերձը երիտասարդներին՝ ապագա տնտեսագետներին, գրողներին եւ կամ...

- Չեմ կարծում, որ երիտասարդ գրողները կամ տնտեսագետները ուղերձի կարիք ունեն: Մի անգամ տանը փորփորում էի հորս ռուսալեզու գրքերը: Մի հաստափոր գիրք գտա Հայրենական մեծ պատերազմի մասին «Բեռլին» վերնագրով: Կազմի ներսում վետերան պապս, ում արդեն չեմ էլ հիշում, ռուսերեն գրել է. «Թոռնիկիս՝ Անրիին, կմեծանաս, կկարդաս ու կիմանաս, թե ուր է եղել պապը»: Միշտ մտածել եմ, թե ինչու պապս, օրինակ, մի ուղերձ կամ մաղթանք չի թողել ինձ, այլ ընդամենը ուզեցել է, որ իմանամ, թե ուր է հասել ինքը պատերազմի տարիներին: Երեւի հասկանում էր, որ ցանկացած ուղերձի դեմ կընդվզեի: Իրոք կընդվզեի: Կամ գուցե դրա մեջ կողմավորած ուղե՞րձ կար ինձ: Դեռ չեմ կարողացել այդ գիրքը: Դեռ պատրաստ չեմ:

ՊԱՅՄԱՆՔՆԵՐ



TBC ԲԱՆԿԻ ԿՈՂՄԻՅ ԱՊԱՀՈՎԱԳՐՈՒԹՅՈՒՆ ԵՎ ՆՎԵՐՆԵՐ

Նոր տարյա տոնակատարության մոտեցման կապակցությամբ TBC բանկը նոր ակցիա է սկսում: Նոյեմբերի 13-ից սպառողները կարող են օգտվել բանկի ապահովագրական ծրագրի ապահովագրության հիանալի պայմաններից եւ ընտրել բացառիկ նվերներ:

Մինչեւ 300 լարի՝ ուղեւորության վաուչեր կամ շուրջ 100 լիտր պրեմիում վառելանյութ:

Ողջ տարվա ընթացքում ապահովագրվածները նաեւ կօգտվեն բացառիկ բենեֆիտներից:

17 թեթիվանոց զեղչից՝ «Վիստոլի» վառելանյութի հարցով:

50 տոկոսանոց զեղչից՝ գործընկեր վճարարաններում մեքենայի վճարման ժամանակ:

Ակցիային մասնակցելու եւ նվերների ստացման համար, սպառողները պետք է գնեն ավտոապահովագրու-

թյան ողջ հավաքածուն, որը ներառում է ավտոմեքենայի ապահովագրությունը, ավտոպատասխանատվության ապահովագրությունը, դժբախտ պատահարից վարորդի եւ ուղեւորների ապահովագրությունը:

Ավտոապահովագրությունը հնարավոր է ձեռք բերել Վրաստանի ողջ մասշտաբով TBC բանկի ապահովագրական մասնաճյուղերում, TBC բանկի online.tbcsunrace.ge կայք-էջում:

Նվերներից օգտվելը դյուրացված է: Ապահովագրվածը, ով կընտրի ուղեւորության վաուչերը, այն կարող է օգտագործել ցանկացած ուղղությամբ ինքնաթիռով ուղեւորության, հյուրանոցի կամ ճանապարհորդության ծրագրմանը TBC բանկի ապահովագրական գործընկեր գրասրահություն «Թեմի Թրեյն» ընկերությունում: Իսկ որպես նվեր վառելանյութից օգտվելը հնարավոր



«Վիստոլի» բենզալցման կայանների ցանցում, Վրաստանի ողջ մասշտաբով:

ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՀԵՏԱՔՐՔԻՐ Է

ԻՆՉ ԱՐԺԵ ԱՇԽԱՐՀԻ ԱՆՇԱՐԺ ԳՈՒՅՔԸ

Հեղաքրքիր է այս աշխարհում որսերդ ամեն ինչ առուծախի է վերածվել, հաշվարկվել է որքան է կազմում անշարժ գույքի արժեքը: Ա. Վարդանյան Ախալքալաքի



Որքան էլ տարօրինակ թվա, նման հաշվարկ իսկապես կատարվել է: Աշխարհում անշարժ գույքի բոլոր օբյեկտների ընդհանուր արժեքը կազմում է 200 տրիլիար: Այդ մասին ասված է Savills բրիտանական ընկերության հետազոտության մեջ: Հաշվետվության համաձայն, համաշխարհային անշարժ գույքի ընդհանուր արժեքի 84 տոկոսը բաժին է ընկնում բնակելի անշարժ գույքին (168,5 տրիլիար), մնացածը կազմում է առևտրային անշարժ գույքը:

Բրիտանիայում, Հնդկաստանում, Գերմանիայում, Ֆրանսիայում, Բրազիլիայում, Իտալիայում եւ Ռուսաստանում:

Ցուցակի առաջին տեղում Չինաստանն է (42,7 տրիլիար), երկրորդում՝ ԱՄՆ-ը (42,1 տրիլիար): Ռուսաստանում ամբողջ անշարժ գույքի արժեքը կազմում է 3,6 տրիլիար, որից 2,9 տրիլիարը բնակելի անշարժ գույքն է: Նշվում է, որ արժեքային արտահայտությամբ Ռուսաստանի ամբողջ անշարժ գույքի մեկ երրորդը գտնվում է Մոսկվայում (870 մլրդ դոլար):

Աշխարհում ամբողջ անշարժ գույքի 70 տոկոսից ավելին արժեքային արտահայտությամբ (141,5 տրիլիար) գտնվում է տասը երկրում՝ Չինաստանում, ԱՄՆ-ում, Ճապոնիայում, Մեծ

1855 թվականին հիմնված Savills-ն աշխարհի առաջատարներից մեկը անշարժ գույքի բնագավառում է:

ՕԳՏԱԿԱՐ Է

ԻՆՉՊԵՍ ԶԱՐԳԱՑՆԵԼ ՀՈԳԵԿԱՆ ԴՐԱԿԱՆ ՈՐԱԿՆԵՐ

Հոգեկան դրական որակներ զարգացնելու համար, առաջին հերթին, պետք է ճանաչեք ինքներդ ձեզ, այսինքն՝ կենտրոնանաք ձեր ուժեղ եւ, միաժամանակ, դրական կողմերի վրա:

Սա նշանակում է նաեւ, որ ստիպված եք ընդունել ձեր այն հատկանիշները, որոնք ի վիճակի չեք փոխել, եւ աշխատել այն հատկանիշների վերափոխման ուղղությամբ: Փորձեք նաեւ հետեւություն անել նախկինում ունեցած անհաջողություններից եւ թույլ տված սխալներից: Եթե դա հաջողվի, կտրուկ կնվազի դրանք կրկնելու հավանականությունը:

Հոգեկան առողջությունը բարելավելու մեկ այլ ճանապարհ էլ կա՝ ընդունել շրջապատի մարդկանց այնպիսին, ինչպիսին նրանք կան: Բոլորն էլ թերություններ ունեն, սակայն, բոլորի մեջ էլ հնարավոր է գտնել հիացմունքի արժանի գծեր: Սովորելով գտնել հենց այդ դրական որակները այլ մարդկանց մեջ՝ դուք նպաստում եք ձեր հոգեկան առողջության կատարելագործմանը:

ԳԻՏԵՔ, ԱՐԳՅՈՒՔ...

ԱՇԽԱՐԻ 170 ԵՐԿԻՐ ՀՐԱԺԱՐՎԵԼ Ե ՄԱՅԱՊԱՏԺՑ



Մահապատժից հրաժարված երկրների թիվը հասել է 170-ի, եւ պատժի առավելագույն չափի կիրառման հաստատված դեպքերի 87 տոկոսը բաժին է ընկնում չորս երկրի՝ Իրաք, Իրան, Պակիստան եւ Սաուդյան Արաբիա:

Այս տվյալները հրապարակել է ՄԱԿ-ը:

Հաղորդագրության մեջ նշված է, որ 2016 թվականին մահավճիռների թիվը, նախորդ տարվա համեմատ, կրճատվել է 37 տոկոսով: Ներկա դրությամբ, միայն չորս երկիր է պատասխանատվություն կրում գրանցված բոլոր մահապատժիների 87 տոկոսի համար: Խոսքը Իրանի, Սաուդյան Արաբիայի, Իրաքի եւ Պակիստանի մասին է: ՄԱԿ-ում նշում են նաեւ, որ մեծ թվով մահապատժիներ են իրականացվում Չինաստանում, սակայն «ստույգ տվյալներ չունեն» դրա վերաբերյալ:

Ներկայում ԱՄՆ-ը մնում է խոչորագույն այն երկիրը, ինչպես նաեւ միակ արեւմտյան պետությունը, որտեղ կյանքից զրկում են հանցագործներին: Մահապատժի՞ որպես առավելագույն պատժաչափ, գործում է ԱՄՆ-ի 50 նահանգներից 31-ում: 1976 թվականից ի վեր, երկրում կյանքից զրկվել է 1,4 հազարից ավելի դատապարտյալ: Հետազոտողների տվյալներով, ընդամենը 17-րդ դարի սկզբից ժամանակակից ԱՄՆ-ի տարածքում մահապատժի է ենթարկվել ավելի քան 15 հազար մարդ:

ՆԱԽԱՍԻՐՈՒԹՅՈՒՆՆԵՐԻ ՈՒ ԱՌՈՂՋՈՒԹՅԱՆ ՄԱՍԻՆ

Մարտողությունը նման է շնչառության: Ներշնչելով՝ մեր մեջ ենք առնում շրջակա միջավայրը, ասիմիլացնում, ապա հետ ուղարկում այն, ինչը չի օգտագործվել: Նույնն էլ մարտողության դեպքում է կատարվում, չնայած այն սերտորեն կապված է օրգանիզմի նյութական մակարդակի հետ:



Օղբ կառավարում է շնչառությունը, իսկ մարտողությունը ենթարկվում է իներտ տարրին՝ Հոդին: Ուստի, շնչառությունից այն տարբերվում է խիստ ռիթմի բացակայությամբ՝ կլանման ու օգտակար նյութերի կորզման հերթագայության մեջ կորչում է հստակությունը: Մարտողությունը շատ նման է ուղեղի գործունեությանը, ուղեղը (կամ գիտակցությունը) վերամշակում ու յուրացնում է այս աշխարհի ոչ նյութական տպավորությունները (ոչ միայն հացիկ), իսկ ստամոքսը՝ նյութականը:

Կան քաղց ունի, եւ այն ցանկացածի պես չի բավարարվում, ապա մարմնական մակարդակում դա արտահայտվում է քաղցրի ձգտումով: Չափազանց քաղցրակերությունը միշտ սիրո չբավարարված պահանջի արտահայտությունն է: «Քաղցր» բառի երկակի նշանակությունն արտահայտվում է «քաղցր» արտահայտության նման: Երեխաների շրջանում քաղցրի նկատմամբ սերը ծնողական սիրո անբավարարության նշան է, երեխաների համար ծնողների սերը միշտ քիչ է: Որոշ ծնողներ էլ կհակադարձեն, թե ամեն ինչ անում են նրանց համար, սակայն դա ամենեւին էլ նույնը չէ:

Մարտողությունն արտաքին աշխարհի ներմուծումն է օրգանիզմ՝ նյութական տպավորությունների ձեռով: Այն ներառում է՝

- այդ տպավորությունների բաժանումը «օգտակարի» ու «ոչ օգտակարի»,
- օգտակար նյութերի ասիմիլացիան, յուրացումը,
- «ախտածին» նյութերի դուրսբերումը:

Եթե մարդն անընդհատ ինչ-որ համեղ բան ուտելու ցանկություն է ունենում, ապա հաստատ սիրո եւ ուշադրության պակաս է զգում:

Երբ ծնողները երեխաներին քաղցր են տալիս՝ ենթագիտակցորեն իրենց սերն ու վերաբերմունքը փոխհատուցում են դրանով:

Այն մարդիկ, որոնք շատ են մտածում կամ մտավոր գործ անում, աղի կամ հիմնավոր սննդային նախասիրությունների:

Ամենահասարակ թվացող պատահական գործընթացներում երբեմն թաքուն փոխկապակցված երեւույթներ կան: Եթե մարդը ցանկանում է ուտել մի որեւէ բան, ապա դա հստակ որոշակի վիճակի արտահայտություն է: Իսկ եթե նա ինչ-որ բան չի հավանում, ապա դա եւս կարելի է բացատրել հոգեբանական ենթատեքստով:

Քաղցը խորհրդանշում է ունենալու, տիրելու ցանկություն, արտահայտում է որոշակի ազատություն, իսկ ուտելը ցանկության բավարարումն է ձեռքբերման ու կշտանալու միջոցով: Եթե մարդը սիրո պակաս

ու ցանկացած «հարաբերությունների պարզաբանումից»: Այդ երկյուղը կարող է հանգեցնել միայն շիլաներով ու ապուրներով սնվելու իրողությանը, քանի որ նյարդերի պատճառով ստամոքսի ցավեր ու տարատեսակ խնդիրներ են առաջանում: Ի դեպ, շիլան մանկական կերակուր է համարվում, եւ մեծահասակների շիլաներով տարվելու ձգտումը կարող է ինչ-որ չափով մանկամտության մասին հուշել, այսինքն՝ նրանք ինչ-որ բան պարզելու, կարգի բերելու ունակ չեն կամ խուսափում են: Մարդկանց այս տեսակը գերադասում է միայն այն սնունդը, որը կարելի է պարզապես կուլ տալ, նրանք կծելու, կրծելու պրոցեսն ազդեցիկ երեւույթ են դիտում:

Չկան փուռը կուլ տալու երկյուղը խորհրդանշում է վախ ուրիշի ազդեցիկության հանդեպ:

Բայց կան նաեւ մարդիկ, ովքեր իրենք իրենց համար խնդիրներ են փնտրում ու ստեղծում: Նրանք սիրում են կոշտ սնունդն ու ցանկացած զնով փորձում են ամեն ինչի տուրք մեջ խորանալ: Այդ մարդիկ միշտ աչքի են ընկնում, քանի որ առանց խնդիրների ասես կյանքը կյանք չէ նրանց համար: Օրինակ՝ եթե նրանց աղանդեր է հրամցվում, նրանք անպայման պահանջում են ուտելու որեւէ բան, որ հնարավոր լինի կրծել, կծել: Դրանով նրանք ի ցույց են դնում վախը սիրո ու քնքշության հանդեպ, ավելի ճիշտ՝ վախն այն բարդությունների հանդեպ, որոնք սիրուց անբաժան են:

ԹԵՎԱՎՈՐ ՄՏՔԵՐ

Եթե մի բարոյականություն գեղեցիկ չէ, նա բարոյական չէ: ԱՎ.ԻՍԱՀԱՅՈՒԿՅԱՆ (1875-1957) Հայ բանաստեղծ, արձակագիր Չեն ցանկանում տանել երբեք ստրկական անարգանք: Ն.ԲԱՐԱՅԻՆՇԿԻԼԻ (1817-1845) Վրաց բանաստեղծ Ամենից առաջ մի՛ կորցրու ինքնահարգանքը: ՀԻՊՈԿՐԱՏ

(մ.թ.ա.460-մ.թ.ա.377) Հին հույն բժիշկ, փիլիսոփա Գորդը ոսկի գահից էլ կցատկի ճահճի մեջ: ԼՈՒԿՐԵՑԻՈՍ (Մ.թ.ա. 1-ին դար) Հին հռոմեացի բանաստեղծ Հիմարությունը, նույնիսկ հասնելով այն բանին, ինչին ծարավի էր, երբեք գոհ չի լինում: ԵՐԻՒՆ ՄԱՐԻՆ ՌԵՍԱՐԿ (1898-1970)

Գերմանացի գրող Մեր ընտանիքը մեր ամբողջն է: Դա այն տեղն է, ուր մենք սողեսող հասնում ենք, որ կյանքի հասցրած վերքերն ամոքենք: Ընտանիքը խաղաղության ու սիրո մեր բույնն է, ուր մեզ համար միշտ տեղ կա: Պահպանեք ձեր ընտանիքը: Ս.ԱՎԱԳՅԱՆ «Վրաստանի» ընթերցող



ԱՆԵԿԴՈՏՆԵՐ

Հայտարարություն. «Առանց կրթության աղջիկը փնտրում է աշխատանք՝ ըստ իր մասնագիտության»: Գիշեր է, ծով, դատարկ լողափ: Երկու հոգեբան հանգստանում, զարեջուր են խմում: Հանկարծ լսում են խելը-

վող տղամարդու ձայն. «Օգնեցե՛ք. օգնեցե՛ք...»: Հոգեբաններից մեկն ասում է. - Կարծես թե տղամարդը խնդիր ունի: Երկրորդը պատասխանում է. - Այո՛, բայց կարելորդ

աստկած կատու է ընկած: Քառամյա որդին հարցնում է մորը. - Վասա՛, այս ի՞նչ է պատահել: - Նա մահացել է եւ ուղեւորվել երկինք՝ Տեր Աստծու մոտ: - Փաստորեն, Տեր Աստվածը նրան ետ է շարժել...

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆԻ ՄՇԱԿՈՒՅԹԻ ՕՐԵՐԸ ՌՈՒՍԱՍՏԱՆՈՒՄ

Ռուսաստանում Հայաստանի մշակութային օրերի բացման կապակցությամբ Հայաստանի նախագահ Սերժ Սարգսյանը, Ռուսաստանի նախագահ Վլադիմիր Պուտինի հրավերով, պաշտոնական պատվիրակության հետ, որի կազմում էին արտաքին գործերի նախարար Էդվարդ Նալբանդյանը, Հայաստանի նախագահի աշխատակազմի ղեկավար Արմեն Գեւորգյանը, մշակույթի նախարար Արմեն Ամիրջանը, սփյուռքի նախարար Գրիգորի Հակոբյանը եւ այլ պաշտոնական անձինք, աշխատանքային այցով գտնվում էր Մոսկվայում:



լիական երկիր Հայաստան» խորագրով ցուցահանդեսը, այցելեց ժամանակակից հայկական խաչքարերի ցուցահանդես:

Հայաստանի մշակույթի օրերի շրջանակում, մշակութային միջոցառումներից բացի, անցկացվեցին կրթական, լուսավորչական միջոցառումներ՝ ընդգրկելով Ռուսաստանի տարբեր քաղաքներ: Դպրոցականների շրջանում անցկացվեց Տիգրան Պետրոսյանի անվան շախմատային մրցաշար:

Այցի շրջանակներում, Հայաստանի նախագահը հանդիպում ունեցավ Ռուսաստանի նախագահ Վլադիմիր Պուտինի հետ:

Երկու երկրների նախագահների առանձնազորույցից հետո, Սերժ Սարգսյանն ու Վլադիմիր Պուտինը, Մոսկվայի Տրետյակովյան պատկերասրահում, մասնակցեցին «Ռուսաստանում Հայաստանի մշակութային օրերի» պաշտոնական բացման հանդիսավոր արարողությանը: Այն նվիրված էր Հայաստանի եւ Ռուսաստանի միջեւ դիվանագիտական հարաբերությունների հաստատման 25-ամյակին եւ Հայաստանի ու Ռուսաստանի Դաշնության

միջեւ Բարեկամության, համագործակցության ու փոխադարձ օգնության մասին պայմանագրի ստորագրման 20-ամյակին: Պատկերասրահում, Մարտիրոս Սարյանի ստեղծագործությունների ցուցադրության ժամանակ, Վլադիմիր Պուտինը Սերժ Սարգսյանին հանձնեց Միխայիլ Վռուբելի «Դեղ եւ հրեշտակը թամարի հոգու հետ» վերականգնված նկարը:

Մոսկվայում Սերժ Սարգսյանն այցելեց նաեւ Հայ առաքելական եկեղեցու Ռուսաստանի եւ Նոր Նախիջեւանի թեմի առաջնորդարան եւ Սուրբ Պայծառակերպություն Մայր տաճար, դիտեց թեմի հիմնադրման 300-ամյակին նվիրված «Բիբ-

100 ՄԻԼԻՈՆ ԱՄՆ ԴՈՒԱՐԻ ՎԱՐԿԱՅԻՆ ՀԱՄԱՁԱՅՆԱԳԻՐ



Հայաստանի կառավարությունը հավանություն տվեց 2017թ. հոկտեմբերի 24-ին ստորագրված «Հայաստանի կառավարության եւ Ռուսաստանի կառավարության միջեւ՝ Հայաստանի պետական արտահանման վարկ տրամադրելու մասին» համաձայնագրի վավերացման օրենքի նախագծին:

Ր ա գ ղ է ն առանձին պայմանագրեր վերաբերյալ ժամանակակից սպառազինության տեխնիկայի Հայաստանին տրամադրելու կարգի, ժամկետների, այդ ռազմական տեխնիկայի կիրառմանը վերաբերող տեղեկատվության

տրամադրման պայմանների, կողմերի պարտավորությունների, դրա նորոգման եւ տեխնիկական սպասարկման պարտավորությունների, ձեռքբերման համար վճարումների եւ այլ հարցերի վերաբերյալ:

Միաժամանակ, Հայաստանի կառավարությունը համաձայնագիրը վավերացնելու մասին Հայաստանի օրենքի նախագիծը համարեց անհետաձգելի:

Համաձայնագրի դրույթների հիման վրա, Հայաստանի պաշտպանության նախարարության եւ «Ռոսոբորոնէկսպորտ» ԲԲԸ միջեւ կստո-

ւմ տեխնիկայի Հայաստանին տրամադրելու կարգի, ժամկետների, այդ ռազմական տեխնիկայի կիրառմանը վերաբերող տեղեկատվության

ՀԱՅԱՍՏԱՆՈՒՄ ԱՄՐԱԳՐՎՈՒՄ Է, ՈՐ ԱՄՈՒՍՆՈՒԹՅՈՒՆԸ ԿԱՐՈՂ Է ԼԻՆԵԼ ՄԻԱՅՆ ՏՂԱՄԱՐԴՈՒ ԵՎ ԿՆՈՋ ՄԻՋԵՎ

Հայաստանի կառավարությունը փոփոխություններ կատարեց Ընտանեկան օրենսգրքում փոփոխություններ կատարելու մասին օրենքում:

Փոփոխություններ կատարելը պայմանավորված է Հայաստանի նոր սահմանադրությամբ, քանի որ այն նորովի մի շարք կարգավորումներ է տվել, մասնավորապես, առաջին անգամ ամրագրվել է, որ ամուսնությունը կարող

է կայանալ միայն կնոջ ու տղամարդու միջեւ:

Օրինագծով նախատեսվել է, որ երեխայի կարծիքը նրա տարիքի ու հասունության մակարդակին համապատասխան պետք է հաշվի առնվի

երեխայի հետ կապված ցանկացած հարց լուծելիս: Ամրագրվում է նաեւ ծնողական իրավունքներից զրկելու կամ դրանք սահմանելու նպատակը: Կարգավորումներ են առաջարկվել նաեւ որդեգրության գործընթացում, որոնք բխում են Հայաստանի՝ միջազգային պայմանագրերում ստանձնած պարտավորություններից:

ՖԻՆԱՆՍԱԿԱՆ ԱԶԱԿՑՈՒԹՅՈՒՆ՝ ԲԱՂԱՔԱԿԱՆ ՈՒԺԵՐԻՆ

Հայաստանի կառավարությունը Հայաստանի Ազգային ժողովի 2017 թվականի ընտրություններում 3 եւ ավելի տոկոս ձայն հավաքած կուսակցություններին եւ կուսակցությունների դաշինքներին կտրամադրի ֆինանսական աջակցություն:

«Աջակցություն քաղաքական կուսակցություններին, հասարակական կազմակերպություններին, արհմիություններին» ծախսային ծրագրի գծով ճշտված գումարը կազ-

մուն է 100,9 մլն դրամ, որի դիմաց, ս.թ. հոկտեմբերի 24-ի դրությամբ, ֆինանսավորումը կազմում է 42,1 մլն դրամ՝ ըստ 2012 թվականի Ազգային ժողովի ընտրություններ-

ում համամասնական ընտրակարգով 3 եւ ավելի տոկոս ձայն հավաքած կուսակցություններին եւ կուսակցությունների դաշինքների ֆինանսավորման: Նշված ծրագրի գծով II կիսամյակի չբաշխված մնացորդը կազմում է 58,8 մլն դրամ: Այդ գումարից Հայաստանի Հանրապետական կուսակ-

ՆԿԱԶՈՒՄ Է 150-300 ՀԱԶԱՐ ԴՐԱՄ ԱՆԽԱՏԱՎԱՐՁԻ ԵՎԱՍՏԱՆԱՐԿԸ

Հայաստանի կառավարությունը Հարկային օրենսգրքում նախատեսում է փոփոխություն, որով 150-300 հազար դրամ աշխատավարձերի եկամտահարկը նվազելու է 2 տոկոսով, ներկայիս 28 տոկոսի փոխարեն՝ կազմելով 26 տոկոս:

Նախագծով առաջարկվում է Հայաստանի հարկային օրենսգրքով սահմանված՝ եկամտային հարկի 150 հազարից մինչեւ 2 մլն դրամը ներառյալ, հարկման բազայի միջակայքում ավելացնել նոր միջակայքեր՝ 150 հազարից մինչեւ 300 հազար դրամը ներառյալ եւ 300 հազարից մինչեւ 2 մլն դրամը ներառյալ միջակայքերը: Այդ միջակայքերի համար, համապատասխանաբար, սահմանվելու են եկամտահարկի 26 տոկոս եւ 28 տոկոս դրույթաչափե-

րը, ներկայումս եկամտահարկի 150 հազարից մինչեւ 2 մլն դրամը ներառյալ հարկման բազայի միջակայքի համար սահմանված 28 տոկոսի փոխարեն:

Ըստ Հայաստանի ֆինանսների նախարարության, եկամտահարկի նոր դրույթաչափերի կիրառությունը ոչ միայն չի ավելացնելու պետական բյուջեի հարկային եկամուտները, այլ նաեւ հանգեցնելու է տարեկան շուրջ 3,8 մլրդ դրամի հարկային եկամուտների կորստի: Այսինքն, եկամտահարկի՝ Հայաստանի

հարկային օրենսգրքով սահմանված դրույթաչափերի կիրառմամբ, կառավարությունը ոչ թե լուծելու է լրացուցիչ հարկային եկամուտներ ապահովելու, այլ՝ տնտեսագիտորեն առավել հիմնավորված եւ եկամուտների վերաբաշխման տեսանկյունից առավել արդարացի հարկման դրույթաչափեր կիրառելու խնդիր: Քանի որ եկամտահարկի՝ 2018 թվականի հունվարի 1-ից գործող դրույթաչափերի կիրառությունը ֆիզիկական անձանց հարկման համակարգը կդարձնի իրապես պրոգրեսիվ՝ դրանով իսկ պետությանը հնարավորություն ընձեռելով իրականացնել եկամուտների վերաբաշխման գործառույթը:

ԽՈՐՀՐԳԱՐԱՆԻՆ ԵՆԿՆԱՅՈՒՅՑԵԼ Է 2018 ԹՎԱԿԱՆԻ ԳԵՏԲՅՈՒՅԵԻ ՆԱԽԱԳԻԾԸ

Արցախի Հանրապետության Ազգային ժողովում նոյեմբերի 15-ին մեկնարկել են «Արցախի՝ 2018թ. պետական բյուջեի մասին» Արցախի օրենքի նախագծի նախնական քննարկումները, որին ներկա են եղել խորհրդարանի նախագահ Աշոտ Դուլյանը, պետնախարար Արայիկ Հարությունյանը, պարզամավորներ, կառավարության անդամներ:

Ֆինանսների նախարար Գրիգորի Մարտիրոսյանը ներկայացրել է գալիք տարվա ֆինանսական գլխավոր փաստաթուղթը:

Արցախի Հանրապետության 2018թ. համախմբված պետական բյուջեն կկազմի եկամուտների գծով՝ 97 մլրդ 104 մլն, ծախսերի գծով՝ 101 մլրդ 404 մլն, դեֆիցիտը՝ 4 մլրդ 299 մլն դրամ: Նոյեմբերի 20-ից պետական բյուջեի նախագծի քննարկումները կշարունակվեն մշտական հանձնաժողովներում:

ԳՅՈՒՐԱՑՎԱԾ ՎԻՉԱՅՈՎ ՌԵՇԻՄ ՀԵՊԿԱՍՏԱՆԻ ԶԱՊԱՉԱՅԻՆԵՐԻՆ

Հայաստան այցելելիս՝ Հնդկաստանի քաղաքացիները կկարողանան մուտքի արտոնագիր ստանալ սահմանային անցակետերում էլեկտրոնային վիզա համակարգով, կամ օդային ճանապարհով անցնելով Հայաստանի դիվանագիտական ներկայացուցչություններում ու հյուպատոսական հիմնարկներում:

Որոշման նախագիծը նպատակ է հետապնդում ազատականացնել մուտքի վիզայի հետ կապված հարաբերություններ Հնդկաստանի հետ, այդ թվում փոխադարձության հիման վրա:

2017թ. հունվար-սեպտեմբեր ամիսների ընթացքում, նախորդ տարվա նույն ժամանակահատվածի համեմատ, Հնդկաստանից Հայաստան ժամանած զբոսաշրջիկների թիվն աճել է 168%-ով (2017թ. հունվարի 1-ից օգոստոսի 31-ը Հնդկաստանում Հայաստանի դեսպանությունը տրամադրել է 1695 Հայաստանի մուտքի արտոնագիր, որը, նախորդ տարվա նույն ժամանակահատվածի համեմատ, ավելի է 479-ով):

ՍԵՎԱՆԱ ԱՅԻ ՄԱԿԱՐԴԱԿԸ ԻՋԵԼ Է

Սեւանա լճի մակարդակը, նախորդ տարվա նոյեմբերի առաջին կեսի համեմատ, իջել է 4 սմ-ով:

Ինչպես տեղեկացրին Հայաստանի արտակարգ իրավիճակների նախարարության «Հայիդրոմետ» ծառայությունից, 2017 թվականի առաջին կեսի դրությամբ, Սեւանա լիճը ծովի մակարդակից գտնվում է 1900մ 47սմ բարձրության վրա, նախորդ տարվա նոյեմբերի նույն ժամանակահատվածի 1900մ 51սմ նիշի դիմաց: Նույն աղբյուրի համաձայն, այս տարի Սեւանա լճից ոռոգման նպատակներով բաց է թողնվել 266 մլն 757 հազար խմ ջուր: Արփա-Սեւան թունելային ջրատարով Սեւանա լիճ է մուտք գործել 80 մլն 18 հազար, ստորերկրյա հոսքի ճանապարհով՝ 25 մլն 320 հազար խմ ջուր:

ՏԱՐԱԳՐԱՄԻ ՓՈՒՍՏԱԿՄԱՆ ԿՈՒՐՍԸ (17 ՆՈՅԵՄԵՐԻ)

Հայաստանի Ազգային բանկի կողմից սահմանվել է տարադրամի փոխանակման հետքայլ կուրսը:

ՏԱՐԱԳՐԱՄ	ԱՌՔ	ՎԱՃԱՌՔ
ԱՄՆ ԴՈՒԱՐ	483,50	487,00
ԵՎՐՈ	568,00	575,00
ՌՈՒՔԼԻ	7,96	8,16

Նոյեմբերի 10-ի համեմատ, ԱՄՆ դոլարի կուրսը նվազել է 2,0 դրամով:

ԵԿԵՂԵՑԱԿԱՆ

ՆՈՅԵՄԵՐ

19.11.2017. Բարեկենդանի շինակաց Պահոց
Յիսնակը հիսնօրյա պահքի շրջան է, որը նախորդում է Աստվածահայտնության տոնին: Յիսնակաց Բարեկենդանը, 7 օրերի շարժականությամբ, նշվում է նոյեմբերի 15-ից մինչև 21-ը, այս տարի՝ նոյեմբերի 15-ին:



21.11.2017. Տոն՝ երեքամյա Սուրբ Աստվածածնի տաճարի ընծայման

Սուրբ Կույս Մարիամին նվիրված տոներից է երեքամյա Սուրբ Աստվածածնի տաճարին ընծայման տոնը, որը բոլոր քրիստոնեական եկեղեցիները ոգեկոչում են նոյեմբերի 21-ին:

ՇՆՈՐՀԱՎՈՐՈՒՄ ԵՆՔ

ՄԵՐ ԶՈՅԱՆ ՀՈԲԵԼՅԱՐ Է

Լ ր ա ց ա վ Վրաստան» թերթի խմբագրության երկարամյա աշխատակից, տեխնիկական քարտուղար Ջոյա Յարոբյունյանի ծննդյան 70-ամյակը:



Ջոյային անկրկնելի դարձնողը զուցե այն է, որ նրա հետ հեշտ է շփվելը: Խմբագրությունում աշխատելու 42 երկար ու ձիգ տարիների ընթացքում, որտեղ իր աշխատանքն սկսեց հեռատիպարուհու համեստ սեղանից, նա նստել-կանգնել է տարբեր տարիքի ու բնավորության աշխատակիցների հետ եւ իր տարեց, թե երիտասարդ կոլեգայի համար կարողացել է լինել հավասարապես մատչելի ու սրտակից զրուցակից:

«Վրաստան» թերթի աշխատակազմը շնորհավորում է իր գործընկերոջը, մաղթում քաջառողջություն եւ հաջողություններ կյանքում:

ՀՆԱԲԱՆՈՒԹՅՈՒՆ

ՎՐԱՍՏԱՆԸ ԿՃԱՆԱԶԿԻ ԳԻՆԵԳՈՐԾՈՒԹՅԱՆ ՀԱՅՐԵՆԻՔ

Վրաստանը, հնարավոր է, պաշտոնապես ճանաչվի գինեգործության հայրենիք: Այդ մասին տեղեկացնում է ամերիկյան Science գիտական ամսագիրը:

«Շատ ավելի վաղ, երբ Լիբանանից մինչև Լանցոլդ (Ֆրանսիա) տարածված խաղողի այգիները դարձան գինեգործության Մեքքան, այդ ոլորտն արդեն ծաղկում էր Վրաստանում: Վերջերս Վրաստանում հայտնաբերվել են եվրասիայում գինու արտադրության ամենահին վկայությունները՝ գինու կտորված շշերը, ինչը վկայում է, որ տարածաշրջանում ավելի քան 8000 տարի առաջ թողարկվում էր խաղողից թորած ըմպելիքը», - նշված է ամսագրում:

Դա 1000 տարով գերազանցում է գինու արտադրության մասին բոլորի կողմից ընդունած ժամանակահատվածը: Սույն ենթադրությունը հիմնված է

Թբիլիսիից 50 կմ հարավ, Շուլավերիում իրականացված պեղումների արդյունքների վրա: Այստեղ հայտնաբերվել են մեծ քանակությամբ խեցեգործական իրերի կտորտանքներ, որոնք, մասնագետների հավաստմամբ, կարասներ էին: Դրանցից մի քանիսը զարդարված են նախշերով, որոնք խաղող են հիշեցնում:

Հիշեցնենք, որ գինեգործության ամենավաղ վկայությունները հայտնաբերվել էին Իրանի Զագրոս լեռներում եւ քվարկվում էին մ.թ.ա. (մեր քվարկությունից առաջ) 5400-5000 թվականներով: 2011 թվականին Հայաստանի քարանձավում հայտնաբերվեցին խաղո-



ղի ճգմիչ եւ թորման ամաններ, որոնք ունեն շուրջ 6000 տարվա պատմություն:

Աշխարհում ամենահին գինին պատրաստում էին ոչ թե խաղողից, այլ բրնձից, մեղրից ու մրգերից: Դրա ապացույցները հայտնաբերվել էին Չինաստանում, եւ դրանք քվարկված են մ.թ.ա. 7000 թվականով:

ՄԻՋՈՑԱՌՈՒՄ

ԱՆԱԼՔԱԼՔԻՈՒՄ ԱՌԱՋԻՆ ԱՆԳԱՄ ՆՇԵՑԻՆ ՔԱՂԱՔԻ ՕՐԸ

Նոյեմբերի 12-ին Ախալքալաքին նշեց քաղաքի օրը:

Տոնական միջոցառումների շրջանակներում կայացավ համերգ Ախալքալաքի գյուղերի պարային համույթների, ինչպես նաեւ քաղաքի «Ջավախք» համույթի, Աշուղական դպրոցի եւ «Մուրջի» վրացական համույթի, Երիտասարդական կենտրոնի պարային խմբերի մասնակցությամբ:



Իրենց ցուցահանդեսը բացեցին «Ախալքալաքիում գյուղերի զարգացման նոր մոտեցման խթանում» ծրագրի ներկայացուցիչները: Ախալքալաքի «Ապագայի տունը» ցուցադրեց ձեռագործ աշխատանքներ՝ Ջավախքի տիկնիկը, ասեղնագործ եւ ուլունքներից պատրաստված ամենատարբեր աշխատանքներ:

Միջոցառումը վարում էր Ախալքալաքի շրջանային վարչության մշակույթի եւ սպորտի բաժնի պետ Վալերի Ստելմաշովը: Միջոցառմանը ելույթ ունեցան սակրեբուլոյի նախկին նախագահ եւ այժմ պատգամավոր Համլետ Մովսիսյանը, նորընտիր քաղաքապետ Յուրիկ Հունանյա-նը:

ՎԱՆԾԱՆՎԵԼ Է ՄԻԽԵԼ ՍԱԿԱՇՎԻԼՈՒ ՏԱՏԸ՝ ՄՁԻԱ ԾԵՐԵԹԵԼԻՆ

Կյանքի 85-րդ տարում վախճանվել է Սգիա Ծերեթելին, Վրաստանի երրորդ նախագահ Միխեիլ Սակաշվիլու տա-



տը՝ մոր կողմից: Տիկին Սգիան՝ աշխատանքի, բժշկության եւ բնապահպանության գիտահետազոտական ինստիտուտի բազմամյա աշխատակցուհին, բժշկության դոկտոր-պրոֆեսոր էր, Վրաստանի նախկին նախագահի ժառանգորդուհի, «Պատվո» շքանշանի ասպետ:

Table with 7 columns and 9 rows containing numbers 1 through 54.

Large advertisement for 'VRASTAN' featuring a logo and detailed text in Armenian regarding lottery results and contact information.

Advertisement for 'VRASTAN' with contact details: Խմբագիր՝ ՎԱՆ ԲԱՅԲՈՒՐԹՅԱՆ

Advertisement for 'VRASTAN' with contact details: Մեր հասցեն՝ Թբիլիսի 0105 Գ.Աթոնելի փ. 5 Դեռ. 2990-739, 2990-774 www.vrastan.ge

Advertisement for 'VRASTAN' with contact details: Գրանցման վկայական № 4 4 - 1439 «ԿՈԼՈՐ» իրատարակչություն

Advertisement for 'VRASTAN' with contact details: «VRASTAN» Тбилиси, Грузия <VRASTAN> Georgia, Tbilisi Индекс 66445